

Pekan: Jabatan Perkhidmatan Veterinar Pahang membelanjakan RM10,000 bagi menyediakan makanan kepada lebih 10,000 ternakan milik 313 penternak di negeri ini yang terdampak banjir kali ini.

Pengarahnya, Datuk Dr Norlizan Mohd Noor berkata, dua jenis makanan dibekalkan kepada lembu, kerbau, kambing dan biri-biri adalah palet hampas isirong palma (PKC) dan rumput proses (Silej) dalam tempoh 10 hari.

Katanya, pihaknya turut memberikan bantuan makanan kepada ternakan yang terkeping dalam banjir. Turut sama menghulurkan bantuan adalah badan bukan kerajaan (NGO) Group Transformasi Ruminan (GTR).

Katanya, bantuan makanan ternakan diberikan secara berperingkat kepada penternak di semua daerah terdampak banjir bermula hari pertama bencana berlaku.

"Pekan menjadi daerah paling banyak ternakan yang terkeping iaitu lebih 2,400 milik 130 penternak diikuti Jerantut sebanyak 1,500 ternakan milik 63 penternak dan Kuantan lebih 1,000 ternakan milik 36 penternak.

"Seramai 29 penternak di Bera, Lipis (23), Temerloh (14), Maran (10) dan Rompin (8) turut berdepan ternakan mereka terkeping akibat banjir selain kawasan ragut ditenggelami air," katanya ditemui selepas meninjau ternakan lembu di Kampung Kiangbang Ganchong, di sini, kelmarin.

Dr Norlizan berkata, dalam kejadian banjir kali ini pihaknya tidak menerima sebarang aduan daripada penternak mengenai ternakan mereka mati akibat lemas atau kelaparan.

Beliau berkata, pihaknya sentiasa berusaha membantu penternak di negeri ini dengan mewujudkan pasukan khas di setiap daerah yang bertanggungjawab dalam pelbagai perkara pada musim tengkujuh dan selepasnya.

"Sebagai contoh, pasukan tindakan pantas, pasukan pindah, bilik gerakan dan pasukan kebajikan melakukan tugas bagi memastikan penternak tidak berdepan masalah berkaitan dengan ternakan.

"Banjir di daerah ini menyebabkan pegawai Pejabat



ANTARA lembu ternakan yang terkeping ketika banjir diberi makan.

Veterinar Daerah bertugas hampir 24 jam, mereka memantau paras air terutama di kawasan ada ternakan yang

terkeping akibat banjir.

"Saya kebal apabila ada pihak mendakwa sekumpulan 85 lembu milik seorang pen-

ternak di Kampung Kiangbang Ganchong kebulur sedangkan ia tidak berlaku," katanya.